


Zaštitna obilježja nove serije KM novčanica

izdanje 2012




i Centralna banka Bosne i Hercegovine u 2012. godini pušta u opticaj novu seriju novčanica konvertibilne marke u apoenima od 10 KM, 20 KM, 50 KM i 100 KM. Ove novčanice imaju određene razlike u odnosu na prethodna izdanja. Godina izdavanja navedena je ispod potpisa i riječi "GUVERNER" na licu novčanica. Prethodna izdanja novčanica i dalje će ostati u opticaju.

- | | | | |
|--------------------------|--------------------------|----------------------------|-------------------|
| 1 Vodeni znak | 3 Prozirni registar | 5 Iridiscentna traka | 7 Intaglio štampa |
| 2 Zaštitna nit s tekstom | 4 Zaštitna nit "Motion™" | 6 Optički promjenjiva boja | 8 Mikroštampa |
| | | | 9 UV obilježja |



1. Vodeni znak

Nova serija KM novčanica ima višetonski vodeni znak s motivom skulptura sa svjetilkama na glavnom ulazu u zgradu Centralne banke Bosne i Hercegovine u Sarajevu. Ispod motiva skulpture svaki apoen KM ima poseban svijetli vodeni znak – oznaku nominalne vrijednosti. Vodeni znak se vidi pod propusnim svjetlom, odnosno kada se novčanica drži prema svjetlu.





2. Zaštitna nit s tekstom

Nova serija KM novčanica ima zaštitnu nit, koja je potpuno ugrađena u papir i unutar nje se vidi tekst različit za svaki apoen: 10 KM, 20 KM, 50 KM i 100 KM. Tekst ima "efekat ogledala", tj. pod propusnim svjetlom se može čitati i s lica i s naličja.



3. Prozirni registar

Kada se novčanica drži prema svjetlu, elementi štampani na licu i naličju novčanice uklapaju se i čine petougao.



4. Zaštitna nit "Motion™"


Sve novčanice KM iz nove serije imaju i mikrooptičku zaštitnu nit, širine 4 mm, s prozorima. Apoeni od 10 KM i 20 KM imaju tri prozora, a apoeni od 50 KM i 100 KM imaju četiri prozora u kojima nit izlazi na površinu papira. "Motion™" nit ima različitu boju za svaki apoen: 10 KM – azurnoplava; 20 KM – zelena; 50 KM – crvena; 100 KM – ljubičasta. Motiv niti na svim apoenima je pero koje se pomjera zavisno od ugla posmatranja na način da kada se:

- Gornja ivica novčanice nagne naprijed prema posmatraču, pero se pomjera ulijevo
- Donja ivica novčanice nagne prema posmatraču, pero se pomjera nadesno
- Desna ivica novčanice nagne prema posmatraču, pero se pomjera nagore
- Lijeva ivica novčanice nagne prema posmatraču, pero se pomjera nadolje



8. Mikroštampa

Novčanica ima mikrotekst na oba pisma "CBBH ЦББХ" u dnu lica novčanice.



9. UV obilježja

Novčanice na licu i naličju imaju područja štampana fluorescentnom bojom, koja svijetle pod UV zracima. U području vodenog znaka, sve novčanice KM na licu imaju i fluorescentnu oznaku nominalne vrijednosti. Osim toga vlakna, ugrađena u papir i nevidljiva na dnevnom svjetlu, pod UV svjetlom se vide u crvenoj, zelenoj i plavoj boji. Fluorescentne osobine imaju i serijski brojevi novčanica.



5. Iridiscentna traka


Na apoenima 10 KM i 20 KM, vertikalno preko cijelog naličja novčanice nalazi se iridiscentna traka širine 10 mm. Kod oba apoeni traka prikazuje oznaku KM, te oznaku nominalne vrijednosti. Kada se novčanica posmatra pod različitim uglom, traka svjetluca i mijenja boju.

6. Optički promjenjiva boja

Na apoenima 50 KM i 100 KM, oznaka nominalne vrijednosti u donjem desnom uglu naličja novčanice štampa se posebnom optički promjenjivom bojom. Efekat promjene boje može se vidjeti kada se novčanica posmatra pod različitim uglom. Na 50 KM boja se mijenja od ljubičastocrvene u zelenkastosmeđu. Na 100 KM boja se mijenja od zlatnosmeđe do maslinastozelene.

7. Intaglio štampa

Intaglio štampa se nalazi na licu novčanice u označenim područjima i može se osjetiti pod prstima.



Verzija FBiH



Verzija RS

